


齐民要术



《齐民要术》介绍 - **成书

背景**：成书于公元六世纪三十年代到四十年代之间，处于北魏时期。当时北魏统一北方后经历汉化，重视农业，农业成为主导经济，但也面临...

贾思勰

目 录

目录
序
杂说
卷一
卷二
卷三
卷四
卷五
卷六
卷七
卷八
卷九
卷十

目录

1. 序
2. 杂说
3. 卷一
4. 卷二
5. 卷三
6. 卷四
7. 卷五
8. 卷六
9. 卷七
10. 卷八
11. 卷九
12. 卷十

序

《史記》曰（一）：「齊民無蓋藏。」如淳注曰：

「齊，無貴賤，故謂之齊民者，若（二）今言平民（三）也。」

後魏高陽太守賈思勰撰

蓋神農為耒耜，以利天下；

堯命四子「一」，敬授民

時；舜命后稷，食（四）為

政首；禹制土田，萬國作乂

「二」；殷周之盛，詩書所

述，要在安民，富而教之。

《管子》曰（五）：「一農

不耕，民有飢者；一女不織，民有寒者。」「倉廩實，知禮節；衣食足，知榮辱。」丈人曰（六）：「四體不勤，五穀不分，孰為夫子？」傳曰（七）：「人生在勤，勤則不匱。」古（八）語曰：「力能勝貧，謹能勝禍。」蓋言勤力可以不貧，謹身可以避禍。故李悝為魏文侯作盡地力之教，國以富強；秦孝公用商君，急耕戰之賞，傾奪鄰國而雄諸侯（九）。

《淮南子》曰（十）：「聖人不恥身之賤也，愧道之不行也；不憂命之長短，而憂百姓之窮。是故禹為治水，以身解於陽盱之河；湯由苦旱，以身禱於桑林之祭「三」。……神農憔悴，堯瘦□，舜黎黑，禹胼胝。由此觀之，則聖人之憂勞百姓亦甚矣。故自天子以下，至於庶人，四肢不勤，思慮不用，而事治求贍「四」者，未之聞也。」「故田者不強，困倉不盈；將相不強，

功烈「五」不成。」

《仲長子》曰（十一）：

「天為之時，而我不農，穀亦不可得而取之。青春至焉，時雨降焉，始之耕田，終之簠、簋「六」，惰者釜之，勤者鍾「七」之。矧夫不為，而尚「八」乎食也

哉？」《譙子》曰（十二）：「朝發而夕異宿

「九」，勤則菜盈傾筐。且苟無（十三）羽毛，不織不衣；不能茹草飲水，不耕不食。安可以不自力哉？」

晁錯曰（十四）：「聖王在上，而民不凍不飢者，非能耕而食之，織而衣之，為開其資財之道也。……夫寒之於衣，不待輕煖；飢之於食，不待甘旨。飢寒至身，不顧廉恥。一日不再食則飢，終歲不製衣則寒。夫腹飢不得食，體寒不得衣，慈母不能保其子，君亦安能以有民？……夫珠、玉、金、銀，飢不可食，寒不可衣。……粟、米、布、帛，……一日不得而飢寒

至。是故明君貴五穀而賤金玉。」劉陶曰（十五）：

「民可百年無貨，不可一朝有飢，故食為至急。」陳思王曰（十六）：「寒者不貪尺玉而思短褐「一〇」，飢者不願千金而美一食。千金、尺玉至貴，而不若一食、短褐之惡者，物時有所急也。」誠哉言乎！

神農、倉頡，聖人者也；其於事也，有所不能矣。故趙過始為牛耕「一一」，實勝耒耜之利；蔡倫立意造紙，

豈方縑、牘之煩「一二」？
且耿壽昌之常平倉「一
三」，桑弘羊之均輸法「一
四」，益國利民，不朽之術
也。諺曰：「智如禹、湯，
不如嘗更（十七）。「一
五」」是以樊遲「一六」請
學稼，孔子答曰：「吾不如
老農。」然則聖賢之智，猶
有所未達，而況於凡庸者
乎？

猗頓「一七」，魯窮士，聞
陶朱公富，問術焉。告之
曰：「欲速富，畜五牴（十

八)。」乃畜牛羊，子息萬計。九真、廬江，不知牛耕，每致困乏。任延「一八」、王景「一九」，乃令鑄作田器，教之墾闢，歲歲開廣，百姓充給。燉煌不曉作耨犁；及種，人牛功力既費，而收穀更少。皇甫隆「二〇」乃教作耨犁，所省庸力過半，得穀加五。又燉煌俗，婦女作裙，攣（十九）縮如羊腸，用布一匹。隆又禁改之，所省復不貲。茨充「二一」為桂陽令，俗

不種桑，無蠶織絲麻之利，類皆以麻枲頭貯衣「二二」。民情窳羊主切，少麤「二三」履，足多剖裂血出，盛冬皆然火燎炙。充教民益種桑、柘，養蠶，織履，復令種紵麻「二四」。數年之間，大賴其利，衣履溫暖。今江南知桑蠶織履，皆充之教也。五原土宜麻枲，而俗不知織績；民冬月無衣，積（二十）細草，臥其中，見吏則衣草而出。崔寔「二五」為作紡績、織紵

之具以教，民得以免寒苦。
安在不教乎？

黃霸「二六」為潁（二一）
川，使郵亭、鄉官「二
七」，皆畜雞、豚，以贍
鰥、寡、貧窮者；及務耕
桑，節用，殖財，種樹。
鰥、寡、孤、獨，有死無以
葬者，鄉部書言，霸具為區
處：某所大木，可以為棺；
某亭豚子，可以祭。吏往皆
如言。襲遂「二八」為渤
海，勸民務農桑，令口種一
樹（二二）榆，百本□「二

九」，五十本蔥，一畦韭，家二母彘，五雞（二三）。民有帶持刀劍者，使賣劍買牛，賣刀買犢，曰：「何為帶牛佩犢？」春夏不得不趣田畝，秋冬課「三〇」收斂，益蓄果實、菱、芡。吏民皆富實。召信臣「三一」為南陽，好為民興利，務在富之。躬勸農耕，出入阡陌，止舍離鄉亭「三二」，稀有安居。時行視郡中水泉，開通溝瀆，起水門、提閘「三三」，凡數十處，以

廣溉灌，民得其利，蓄積有餘。禁止嫁娶送終奢靡，務出於儉約。郡中莫不耕稼力田。吏民親愛信臣，號曰「召父」。僮种（二四）「三四」為不其令，率民養一豬，雌雞四頭，以供祭祀，死買棺木。顏斐「三五」為京兆，乃令整阡陌，樹桑果；又課以閑月取材，使得轉相教匠「三六」作車；又課民無牛者，令畜豬，投貴時賣，以買牛。始者民以為煩，一二年間，家

有丁「三七」車、大牛，整頓豐足。王丹「三八」家累千金，好施與，周人之急。每歲時農收後，察其強力收多者，輒歷載酒肴，從而勞之，便於田頭樹下飲食勸勉之，因留其餘肴而去；其惰□者，獨不見勞，各自恥不能致丹，其後無不力田者，聚落以至殷富。杜畿「三九」為河東，課民畜牝（二五）牛、草馬「四〇」，下逮雞、豚，皆有章程，家家豐實。此等豈好為煩擾而輕

費損哉？蓋以庸人之性，率之則自力，縱之則惰窳耳。故《仲長子》曰：「叢林之下，為倉庾之坻「四一」；魚鱉之堀「四二」，為耕稼之場者，此君長所用心也。是以太公封而斥鹵播嘉穀，鄭、白「四三」成而關中無飢年。蓋食魚鱉而藪澤之形可見，觀草木而肥瘠之勢可知。」又曰：「稼穡不修，桑果不茂，畜產不肥，鞭之可也；柀（二六）落不完，垣牆不牢，掃除不淨，笞之

可也「四四」。」此督課之方也。且天子親耕，皇后親蠶，況夫田父而懷竄惰乎？李衡「四五」於武陵龍陽汎洲上作宅，種柑橘千樹。臨死敕兒曰：「吾州里有千頭木奴，不責汝衣食，歲上一匹絹，亦可足用矣。」吳末，柑橘成，歲得絹數千匹。恒稱「四六」太史公所謂「江陵千樹橘，與千戶侯等」者也。樊重「四七」欲作器物，先種梓、漆，時人嗤之。然積以歲月，皆得其

用，向之笑者，咸求假焉。
此種殖（二七）之不可已已也。諺曰：「一年之計，莫如樹穀；十年之計，莫如樹木。」此之謂也。

《書》曰（二八）：「稼穡之艱難。」《孝經》曰（二九）：「用天之道，因地之利，謹身節用，以養父母。」《論語》曰（三十）：「百姓不足，君孰與足？」漢文帝曰：「朕為天下守財矣，安敢妄用哉！」孔子曰（三一）：「居家

理，治可移於官。」然則家猶國，國猶家，是以家貧則思良妻，國亂則思良相，其義一也。

夫財貨之生，既艱難矣，用之又無節；凡人之性，好懶惰矣，率之又不篤；加以政令失所，水旱為災，一穀不登，胔腐（三二）相繼：古今同患，所不能止也，嗟乎！且飢者有過甚之願，渴者有兼量之情。既飽而後輕食，既暖而後輕衣。或由年穀豐穰，而忽於蓄積；或由